



Nunatsinni Nakorsaaneqarfik

Kumaqartunik nakorsaaneq tamatumunngalu atatillugu kumangiuserluni kumaajaaneq pillugit

Nunatsinni Nakorsaaneqarfiup ilitersuusaa

Angajoqqaanut aamma ulloq unnuarlu paaqqinniffinni sulisunut

Saqqummiunneqartoq august 2025

Kumaat

Niaqqup kumai tuniluutiasuupput kumaqalersimasunullu assut ungilatitsisarlutik. Kumaqalersartut tassaagajupput meeqqat pingasuniit qulinut ukiullit. Ukioq naallugu kummattoqarsinnaasarpoq, aggustimiilli novembarimut, februaarimiillu apriliimut amerlanerusarlutik.

Tuniluuttarnerat

Niaqqup kumai inuit kasserini, nutsani ipiitsuni ipertuunilu uumasuupput. Kumaat pississinnaanatillu timmisinnaanngillat taamaammallu tamatigungajak inuit toqqaannartumik attaveqatigiinnerisigut soorlu tutinnikkut, natsanik imal. nutsanut brstimik/ illaagutininik paarlaasseqatigiittarnikkut siaruaattarlutik. Niaqqup kumai kasserup avataani nal. ak. 48-it pallillugit uumasinnaasarpur. Eqqit tuniluuttanngillat, niaqqullu kumai inuit akornanni nappaatinik tuniluutsitsisuunatik.

Tunillaasinnaaneq: Tunillatsinnermiit, uumasunik kumaarunnissap tungaanut.

Pitsaaliuineq

- Meeraq kumaqarsinnaanersoq misissukulajuk — ajornanngippat sap. ak. ataasiarlugu tamatigullu kammalaatai kummassimappata.
- Meeraq kumaqalersimasooq paasigukku meeqquerivik, atuarfik ilagisartagaalu nalunaarfigikkit.
- Ilaqutariinni kumaqartoqalerpat ilaqutariit sinneri kumangiummik misissorneqassapput.
- Kumannik nassaartoqarpat, kumangiut kisiat atorlugu, imal. nakorsaat kumaajaatissatut akuerisaq tamatumalu kingorna kumangiut atorlugit kumaajaaneq aallartissaaq.

Ersiutit

Kumaat kassermiit kassermut ikaarsimappata, kumaqartoqalissaaq. Kumaat kumanngortussanik eqqiliortarput. Eqqip tukernermiit kinguaassioqqissinnaanngortarnera sap. ak. pingasut missaannik sivilissuseqartarpoq.

Kummassimagaanni kasseq ungillertarpoq, kummannermiilli sap. ak. arlallit qaangiunneranni aatsaat ungillisoqarlersinnaavoq. Taamaammat ungillerineq kummassimanermut ersiutitut atorsinnaanngilaq. Kumaat ikittuinnaagaluit ajornartorsiutaasinnaapput. Kumaat amerlasuut imal. kumaqakulaneq kassikkut ikeqalernermik aseruuttoormilluunniit kinguneqarsinnaavoq.

Kummaat aammik milluaasut nutsani kasserup nalaaniittuni takuneqarsinnaasarput. Eqqeq tulerlaaq 1 mm inorlugu takissuseqarpoq. Eqqit tulerlaat naniuminaasinnaasarput. Kumaat inerissimasut mm-it marluk pingasullu akornanni takissuseqarput, qalipaataallu qasertumiit qernivissumut nikerarsinnaavoq- aalassareqaallu.

Kumaat nutsani kasserup killerpiaani eqqiliortarput. Eqqit mm ataaseq inulaarlugu angissuseqarput, qaqorujullutik sungaarujuttut nutsanut nipinngasut. Eqqit qaqortualunnut assingusinnaapput, qaqortualuttulli assannik nutsaniit peerneqarsinnaanatik. Eqqit cm ataaseq sinnerlugu kassermiit qutsinnerusumiittut tassaapput eqqit toqusimasut imal. eqqit tulerlaat. Kumaat eqqillu amerlanersaat tunusummiittarput siutillu tunuiniittarlutik.

Nakorsaaneq

Kumangiut kisiat atorlugu imal. nakorsaammik quliummik kumaajaatissatut akuerisamik atuinikkut tamatumalu kingorna kumangiuserluni kumaajaasoqartarpoq.

Kumangiuserluni kumaajaaneq kinguneqarluartarpoq, akikilluni ajoqusiissinnaanilu. Periuseq taanna peqqissaarluinnarnissamik piumasaqaatitaqarpoq, kumangiummillu kumaajaaneq ulluni 14-ini ullut allortarlugit ingerlanneqassalluni.

Kumaat quliutini kumaajaatini sullinernut toqoraatinut akiuussinnaanngortarnerat nalinginnaasuvoq. Quliut kumaajaat atorneqarpat, atornissanut najoqqutassiaq maleqqissaarneqassaaq, iluaqutaanersorlu nakkutigineqassalluni. Kummaat tamarmik toqusimanissaat qulakkeerniarlugu tamatuma kingorna kumangiuserluni kumaajaasoqassaaq.

Kumaqartut kisimik tamatuminnga nakorsarneqassapput. Illaagutit, nutsanut brstit, natsat assigisaallu imermi sulfomik qaqorsaasikkami kininneqassapput/ errorsivimmi errorneqassapput/ qerititsivimmiitinneqassapput imal. nal. ak. 48-ini immikkoortinneqassallutik.

Nakorsaaitit kumaajaatit, nakorsap innersuussutiginnisaanik, meeqqanut marluk inorlugit ukiulinnut atorneqartariaqanngillat.

Kumaqalernissamik pitsaaliuineq kumaajaanerlu angajoqqaat akisussaaffigaat.

Kumangiutininik kumaarsineq

Nutsanik masattuninik kingunerummik kingunikkannik, kumangiuserluni kumaajaaneq ilanngunneqarsinnaavoq.

Kumaqarnerisq misissuileruit kumangiut piukkunnartoq atortussaassagaku, kumaajaallutit aallartilluariissaatit.

Kumangiut sorleq pisiarissavara?

- Assigiinngitsunik kumagiuteqarpoq – kumangiutininik assigiinngitsunik sunik peqarnerisq pisiarifik aperisinnaavat
- Kumangiummik pitsaasunik pisiqit. Kumangiutip illaagutitai akulikippallaarunik nutsat akornisigoortinnissaa ajornakusoorsinnaavoq. Kumangiulli ima akulikitsigissaaq kumannik tukerlaanik mm-imik ataatsimik takissusilinnik tiguisinnaassalluni
- Kumangiutit isui peqingalaartut kassermi kumannik ataaqqussisinnaasut immikkut piukkunnaateqarput,

Kumangiummik ima kumaajaassaaitit

1. Nutsat qulikkit kingunerusikuttoorlugillu
 - Nutsat qulikkit kingunerusikuttoorlugillu. Kumangiummik kumaajaaninni kingunerut atatiinnaruk
 - Nutsat masatsillugit kumaat anersaartuutertik matusarpaat uninngalersarlutillu.
2. Nutsat illaarlukkit
 - Nutsat ilakkunnaarsillugit nutsanut brstimik illaagutinilluunniit nalinginnaasunik illaakkit. Taamaaliornikkut kumangiummik kumaarnissaaq ajornannginnerulissaaq
 - Nutsat qulerlaat masattut kingunerutillit illaaruminartuusarput.
3. Kumangiut kassermut qanitsiguk
 - Kumaat tamakkernissaat qulakkeerniarlugu kumangiut kassermut qanitsinneqassaaq,
 - Kumangiummik nuui peqingasunik atuiguit, peqinganera qummut sammissaaq
4. Kumangiut nutsat eqimattat ataasiakkaarlugit illaagutigineqassaaq
 - Kumangiut, nutsat eqimattat– kassermiit nuuannut- ataasiarlutit illagutigiuk
 - Nutsat tamakkernissaat isumagiuk

5. Kumangiummiittut k kkenrullimut allartikkit
 - Nutsat eqimattat kumangereerangakkit, kumangiut k kkenrullimut assigisaannulluunniit qaqortumut, allarteruk
6. Kumangiummit piikkatit kumattaqarnersut misissukkit
 - Kumangiut piikkatillu arfinilinnik niulinnik kumattaqarnersut paasiniakkit. Pisariaqassappat allisitsiusersinnaavutit
 - Kumangiut pitsaasoq atorsimagukku taannalu atorlugu peqqissaarlutit kumangiisimaguit kumammillu nassaarnak, kumaqarsimassanngilaq
 - Kumannik nassaaruit, kumangeeqqissaarnerup kingorna eqqit kiserngorussimassapput
7. Sap. ak. marlunni ullut allortarlugut kumangiuserlutit kumaajaasarit
 - Kumannik nassaaruit sap. ak. marlunni ullut allortarlugit kumangiuserlutit kumaajaasassaait
 - Kumangiuserlutit kumaarsinerit tamaasa eqqinik nassaartarnissat naatsorsuutigissavat. Kumannilli nassaanngikkuit, qulakkeeriniarlutit kumangiuserlutit kumaajaaqqigit
 - Aappasaanik kingusinnerusukkulluunniit kumaajaaninni kumannik nassaassaguit, inuttaa kummaqqissimanngikkuni naammattumik peqqissaartumik kumaajaasoqarsimassanngilaq. Taamaassappat ulluni 14-ini kumaajaaneq aallaqqaataaniit aallartissavat
8. Kumaqarsinnaaneq akulikitsunik misissortaruk
 - Kumaqarnersoq misissuininni kumaajaaninnitut periuseq atussavat. Taamaammat kumangiut piareersimatittuaruk.



Nina Spore Kreutzmann, Tegnestuen Tita